



18. TRADICIONALNI SUSRET BOSANSKO-HERCEGOVAČKIH DOPUNSKIH ŠKOLA U VELIKOJ BRITANJI

U subotu, 28. Maja 2016. godine, održan je 18. tradicionalni susret BiH Dopunskih Škola u Velikoj Britaniji. Domaćin ove godine bilo je Udruženje iz Coventry-a kome možemo uputiti samo riječi hvale za organizaciju na izuzetno visokom nivou.

Ovogodišnji skup je održan u prelijepim prostorijama Sidney Stringer Academy a program je počeo oko 10:30 uz intoniranje himni Bosne i Hercegovine i Velike Britanije, nakon čega su nam se obratili neki od gostiju, uključujući drugog sekretara ambasade Bosne i Hercegovine u Londonu Samru Koričić Mujkić, predsj. dobrotvorne organizacije "Remembering Srebrenica" Dr.

Waqar Azmi OBE, predsjednik BiH UK Networka Sabit Jakupović, a ispred domaćina, dobrodošlicu su nam poželjeli Remzudin Alihodžić i Senadin Selimić.

Nakon govora, uslijedio je nastup naše folklorne grupe a potom i predstavljanje od strane škola, kojih je ovo godine bilo pet, Derby, Coventry, Birmingham, London Victoria i škola iz Hertfordshire. Program je zatvoren nastupom folklorne grupe iz Birminghama nakon čega nam se obratio Lord Mayor grada Coventry, Councillor Lindsley Harvard.

Nakon predstavljanja škola, uslijedio je ručak a poslije ručka smo se preselili na sportske

terene gdje je održan turnir u malom nogometu na kojem je naša ekipa zauzela 2. mjesto. Naši mališani su u finalu poraženi od strane domaćina sa rezultatom 3:1. Ekipi Coventry ovom prilikom čestitamo na osvojenom 1. mjestu.

Želim dodati da medalja u fudbalu nije jedino što smo osvojili taj dan. Naime, Amela Subašić, učenica naše dopunske škole, po treći put zaredom je osvojila prvo mjesto u izboru za najbolji likovni rad, dok je Sara Akram osvojila treće mjesto za najbolji literarni rad.

Na kraju nam ostaje samo da se zahvalimo domaćinu na lijepom dočeku i druženju.



TRENING OD STRANE VATROGASNO-SPASILAČKE SLUŽBE

U subotu, 7. Maja 2016 godine, u prostorijama našeg centra, održan je trening od strane Vatrogasno-Spasilačke Službe Derby. Cilj ovog treninga bio je edukacija naših građana, isključivo djece i mladih, kad je u pitanju zaštita od požara u kući. Trening je iz tog razloga organizovan u terminu Bosansko-Hercegovačke Dopunske Škole, a prisustvovalo je 29 osoba od čega 16 djece.

Shareen Akhtar, osoba koja je zadužena za edukaciju građana Derby-a u ovoj oblasti, pored zaštite, govorila je i o glavnim uzrocima požara. Naučili smo da je priprema hrane ustvari glavni uzrok požara kod kuće, stoga se savjetuje da se hrana koja se priprema, pogotovo kada je u pitanju prženje, ne smije ostaviti bez nadzora. Također smo saznali kako je preopterećenje električne utičnice jedan od glavnih uzroka požara stoga se savjetuje da se pažljivo bira šta se uključuje u produžne kablove.

Shareen se poslužila malo i statističkim podacima pa smo saznali da svake godine 56 osoba smrtno strada jer njihov detektor dima nije bio ispravan. Isto tako saznajemo da svakih pet dana jedna osoba strada od požara izazvanog cigaretom dok loše električne instalacije izazovu više od 6,000 požara godišnje.


Pored glavnih uzroka požara, Shareen nam je također dodijelila nekoliko korisnih savjeta kako

postupiti u slučaju požara poput plana evakuacije, te lokacije rezervnih ključeva kako bi mogli otključati vrata ili prozore.

Obzirom da nije bilo hitnih slučajeva, u drugom dijelu predavanja, stigla je i vatrogasna ekipa. Prisutni su imali priliku da se bolje upoznaju sa opremom vatrogasnog vozila i da saznaju sa kakvim slučajevima se vatrogasci najviše bave.

ČLANSKE KARTE

Bosansko-Hercegovačko Udruženje Derby od ove godine je u mogućnosti izdati članske kartice svima onim koji su platili ili će platiti godišnju članarinu. Želimo se zahvaliti našem mladom članu izvršnog odbora i sekretaru Arnesu Pobriću koji je odradio sav potreban posao kada su u pitanju dizajniranje i pronalaženje besplatne izrade kartica koje su ujedno obezbijeđene za 2016. 2017. i 2018. godinu.



INTERNATIONAL CADETS AWARENESS DAY

On Thursday, March 17th, 'International cadets awareness day' was held at Royal Air Force College Cranwell (RAFC). Term 3 Officer Cadets from 6 nations presented their countries, culture, customs, food, clothes and tradition. One cadet each from Ghana, Pakistan, Trinidad and Tobago and Yemen and two cadets each from Nigeria and Bosnia and Herzegovina were hosting over 350 cadets and officers from the college.

Two cadets from Bosnia and Herzegovina represented their country. Myself, Arnel Salibašić and Anes Halilović are Term 3 cadets and we will graduate next week and go to our own military to serve our nation. We have been here since the end of June 2015 and this was great opportunity to show our tradition, hence we asked Bosnian Community in Derby for help in organizing our



coffee which we prepared and served to the guests. We put a lot of effort into organizing the event and got praise from everyone in the room. Guests were very interested into Bosnian culture and especially into natural and historic sights that Bosnia and

country in the best way. We are very grateful to Mr Kevrić and our Directing Staff who made this event possible. This was the first time 'International Day' was organized but in the future it will have much more significant place in busy Initial Officer Training



presentation. Mr Ferid Kevrić who runs the community drove to Cranwell and provided us with required items like: traditional clothes, hand craft (heklanje), coffee pots (džezva, fildžani) and

Herzegovina is rich with.

Altogether, this has been a very successful event which showed how, with few resources, a lot can be achieved in presenting the

calendar. Next week, after we graduate, we can be proud of how we represented Bosnia and Herzegovina.

Arnel Salibašić

Svim Našim Građanima
Islamske Vjeroispovijesti
Želimo Sretne
Nastupajuće Ramazanske Blagdane





HERITAGE LOTTERY PROJEKAT - UPDATE

Prošlo je nekoliko mjeseci od kako smo zadnji put pisali o projektu koji je finansiran od strane Heritage Lottery Fund. Da vas podsjetimo. Radi se o projektu čiji cilj je da se istakne i bolje interpretira način na koji su se narodi sa naših prostora integrirali u život u Velikoj Britaniji. Do završetka projekta, bit će urađen film i knjiga o nama. Također će biti postavljena stalna izložba u prostorijama centra kao i spomenik na vanjskom prostoru naše zgrade. Ovom prilikom želimo da vas upoznamo dokle smo stigli.

Do kraja Aprila smo uspjeli snimiti svih 25 pojedinačnih intervjua koji su bili potrebni za stvaranje filma i pisanje knjige. Transkripti svih intervjua su obrađeni na oba jezika. Tekstovi su trenutno u fazi provjere od strane trećeg lica kako bi se izbjegle greške u pravopisu i slično. Nakon izvršenih korekcija, ovi tekstovi će sačinjavati glavni sadržaj knjige koju ćemo printati u najmanje 150 primjeraka, a imat će oko 200 strana. Video materijal će se koristiti za stvaranje filma koje bi trebalo početi početkom Juna. Ovom prilikom se želimo zahvaliti svima onima koji su pristali da budu intervjuisani i samim tim direktno podržali naš projekat koji je od vrlo važnog značaja.

Što se tiče izložbe, tu smo također napravili dobar pomak. Svi naši stari predmeti, uključujući i vaše donacije, izloženi su u dva kabineta koje ćemo povremeno dopunjavati.



Trenutno radimo na sistemu kojim ćemo izložiti narodne nošnje u kabinetu lijevo. Ovom prilikom se zahvaljujemo svima vama koji ste od sebe nešto donirali i pozivamo sve ostale da, ako su u mogućnosti, učine isto.

Spomenik je u fazi pripreme za rezbarenje. Izvođač radova trenutno radi na poliširanju i isctavanju. Zvanično otkrivanje spomenika planirano je za početak Jula ali o tome ćete biti naknadno obavješteni.

Derby Bosnia and Herzegovina Community Association

Bosnia & Herzegovina Centre
99 Curzon Street
Derby, DE1 1LN

Phone: 01332 294436
Fax: 01332 293772

E-mail:
bihcommderby@hotmail.com

Web:
www.bihcommunityderby.co.uk

 **Bosnian Centre Derby**

